



Broj: 01/14-11-7716-8/23
Sarajevo, 21.12.2023. godine

Na osnovu člana 70. Zakona o javnim nabavkama BiH ("Službeni glasnik BiH", broj: 39/14 i 59/22), a u vezi sa članom 41. Statuta Grada Sarajeva ("Službene novine Kantona Sarajevo", broj: 7/23), gradonačelnica Grada Sarajeva, donosi

O D L U K U
o izboru najpovoljnijeg ponuđača putem Pregovaračkog postupka
bez objave obavještenja o nabavci

I

Prihvata se konačna ponuda ponuđača „PAL-e 2.3“ d.o.o. Sarajevo, Džemala Bijedića bb, Sarajevo-Novigrad, broj ponude: 03-12/23, zaprimljena na protokol ugovornog organa dana 18.12.2023. godine, u postupku provođenja javne nabavke putem Pregovaračkog postupka bez objave obavještenja o nabavci za pružanje usluga „Organizacija javnog dočeka Nove 2024. godine u gradu Sarajevu“ sa ponudnom cijenom za kompletnu organizaciju događaja što uključuje sve tehničke i ljudske resurse u iznosu od:

475.400,67 KM bez PDV-a, odnosno 556.218,78 KM sa uključenim PDV-om.

II

Sa ponuđačem „PAL-e 2.3“ d.o.o. Sarajevo, Džemala Bijedića bb, Sarajevo-Novigrad, zaključit će se Ugovor o pružanju usluga iz tačke I ove odluke.

III

Ova odluka stupa na snagu danom donošenja.

Obrazloženje:

Odlukom broj: 01/14-11-7716-2/23 od 06.12.2023. godine, pokrenut je postupak javne nabavke „Organizacija javnog dočeka Nove 2024. godine u gradu Sarajevu“, putem Pregovaračkog postupka bez objave obavještenja o nabavci.

Informacija o pregovaračkom postupku bez objave obavještenja o nabavci broj: 1278-4-2-170-20-2/23 od 06.12.2023. godine i poziv za dostavljanje zahtjeva za učešće, objavljeni su na portalu Agencije za javne nabavke.

Tenderska dokumentacija preuzeta je od strane 3 ponuđača, a među njima i ponuđač „PAL-e 2.3“ d.o.o. Sarajevo, Džemala Bijedića bb, Sarajevo-Novigrad, koji ima **ekskluzivno pravo - PUNOMOĆ** da zastupa muzičke grupe Zabranjeno pušenje, Bombaj Štampa, Crvena Jabuka i Laka, kao glavne izvođače, na dan 31.12.2023. godine, u okviru organizacije javnog dočeka Nove 2024. godine u gradu Sarajevu.

U određenom roku za dostavljanje Zahtjeva za učešće, ponuđač „PAL-e 2.3“ d.o.o. Sarajevo, Džemala Bijedića bb, Sarajevo-Novigrad, dostavio je isti, zaprimljen na protokol ugovornog organa dana 08.12.2023. godine, protokolisan pod brojem: 14-04-7966/23.

Otvaranje Zahtjeva za učešće izvršeno je na sastanku Komisije za javnu nabavku dana 11.12.2023. godine, imenovane Rješenjem gradonačelnice broj: 01/14-04-7944/23 od 08.12.2023. godine.



Komisija za javnu nabavku izvršila je uvid u dostavljeni Zahtjev za učešće te je utvrdila, da je ponuđač „PAL-e 2.3“ d.o.o. Sarajevo, Džemala Bijedića bb, Sarajevo-Novigrad, dostavio svu traženu dokumentaciju u skladu sa uslovima navedenim u tenderskoj dokumentaciji.

Nakon okončanja prve faze Pregovaračkog postupka bez objave obavještenja o nabavci, ugovorni organ je na portalu Agencije za javne nabavke objavio Poziv za dostavljanje početne cijene ponude i pregovaranje.

Ponuđač „PAL-e 2.3“ d.o.o. Sarajevo, Džemala Bijedića bb, Sarajevo-Novigrad, dostavio je dana 13.12.2023. godine početnu ponudu, protokolisanu pod brojem: 14-11-8092/23.

Komisija za javnu nabavku izvršila je otvaranje početne ponude dana 13.12.2023. godine, te je utvrdila da cijena početne ponude za: “Organizaciju javnog dočeka Nove 2024. godine u gradu Sarajevu iznosi 495.400,67 KM bez PDV-a.

Nakon otvaranja početnih ponuda pristupilo se pregovaranju sa predstavnicima ponuđača.

Nakon obavljenih pregovora sa predstavnicima ponuđača usaglašeno je da: ponuđač preuzima obavezu da obezbijedi tehničku opremu, postavljanje bine i scenografiju, fizičko obezbjeđenje angažovanih lica, posjetilaca i događaja, pokretne toalete, da su glavni izvođači Zabranjeno pušenje, Bombaj Štampa, Crvena Jabuka i Laka, utvrđen je način plaćanja i cijena, potom promocija događaja u zemlji i regionu, te da u skladu s tim dostavi konačnu ponudu. Također usaglašeno je da će eventualne sponzorske ugovore preuzeti Grad Sarajevo.

Poziv za dostavljanje konačne ponude objavljen je na portalu Agencije za javne nabavke dana 15.12.2023. godine, kojeg je ponuđač preuzeo, o čemu je dostavljen izvještaj sa portala Agencije za javne nabavke na e-mail ugovornog organa.

Ponuđač je dana 18.12.2023. godine dostavio konačnu ponudu protokolisanu pod brojem: 14-11-8190/23 sa ponuđenom cijenom od 475.400,67 KM bez PDV-a, odnosno 556.218,78 KM sa uključenim PDV-om.

Komisija za javnu nabavku je dana 18.12.2023. godine, sačinila Zapisnik o ocjeni ponuda i dala preporuku gradonačelnici da se ugovor o pružanju usluga „Organizacija javnog dočeka Nove 2024. godine u gradu Sarajevu “ dodjeli ponuđaču „PAL-e 2.3“ d.o.o. Sarajevo, Džemala Bijedića bb, Sarajevo-Novigrad, sa ponuđenom cijenom u iznosu od 475.400,67 KM bez PDV-a, odnosno 556.218,78 KM sa uključenim PDV-om.

U postupku donošenja odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjele ponude, u skladu sa kriterijima iz tenderske dokumentacije.

U postupku ocjene provedenog postupka Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Shodno odredbama člana 21. tačka c) Zakona o javnim nabavkama BiH, gradonačelnica Grada Sarajeva je prihvatila preporuku Komisije na osnovu koje je donesena ova odluka.

POUKA O PRAVNOM LIJEKU: Protiv ove odluke može se uputiti žalba ugovornom organu u pismenoj formi u roku od deset (10) dana od dana prijema iste.

Gradonačelnica

Prof. dr. Benjamina Karić

DOSTAVITI:

- Ponuđaču
- a/a

Za zakonitost odgovaraju:

Stručna obrada: Nermina Šehović-Sulimanovski,

Šef Odjeljenja za javne nabavke: Suada Kovačević,

Rukovodilac Stručne službe za poslove kabineta i poslove Gradske uprave: Dženana Šarčević.